

摘藻堂四庫全書薈要

集部

欽定四庫全書薈要

集部

秋澗集卷

三十一

詳校官助教臣謝登雋



欽定四庫全書薈要卷一萬六千一百八十六

集部

秋澗集卷三十

元 王惲 撰

七言絕句

題蘭氏三桂堂字說手卷

當時山斗仰蘭公此日開封有父風
着眼讀書堂下去

又看三桂發春紅

著一作放

題玉局公所畫竹石

秋壑家藏

此老何心作此君一枝中發錦江春
無窮露葉烟梢意

散作先生百億身

關河形勢圖

關河百二控秦頭
滿目斜陽獨倚樓
設險守邦須尚德
每多吳起說文侯

秦川展掌華山高
千古關河締構牢
早晚去施通濟手
浮航如畫鎖驚濤

壓關樓上醉憑欄
一片黃流入斷山
彼索此強俱寂寞
山河空鎖夕陽閒

解鞍圖

川流縈帶燒痕青萬帳風烟扈漢營
長記散軍郊射罷丹青圖上看升平

瀟瀟牙帳野河春羽獵歸來日未曛
轉放畫圖還記得二年鞍馬過牛群

高空雲迥射鵬還細草平沙困解鞍
醉裏清寒將夢去春風吹雪點旗竿

題黃門飛鞚圖

金錯盤陀絡玉韉春風飛影下瑤池丹青明見臚傳意
花柳深宮燕八姨

年年十月幸溫湯詔給辭臣半驪驪最見流雲瀟灑處
津陽春色曉蒼蒼

讀唐武后璽紀

秋日花開未足災有瓜無可摘黃臺鎖問辦着青娥笑
爭指朝堂鬼朴來

讀狄梁公傳

魚鱉霑恩徧九垓鳳池春色接鸞臺敝袍不染梁公血
辦作幽圉一聚埃

二馬圖

振鬣長鳴萬馬瘖肯教閑損絡頭金多應縱駕華清去
飛過宮前御柳陰

讀富鄭公傳

奉詔東來止國門悔將威克動嚴宸繞爐不合終宵眼
六丈方知是聖人

玉堂閣適圖

醉岸烏紗殿影東宮花底映酒波紅興來草罷長楊賦
獨占高槐洒晚風

淵明漉酒圖

此圖以氣象筆法較之恐是王雲筆也雲秦人意象
多偉麗而少雍容余嘗觀斬蛟及內殿橫吹等圖故
敢指此殆雲之筆也然近代以來如雲之工者亦不
可多得云秋澗老人王惲序

牀頭新釀漉來空清濁君看固不同門外征車揮已去
秋香籬落醉西風

紛紛葛屨雜華纓何物衣冠可重輕莫若脫來還漉酒
一杯時復聖之清

秣田一粒不需唇嘗恐春醪負此巾儘着輕紗渾溼却
尤勝憔悴染京塵

停雲時鳥日從容長在先生醉眼中劉宋禪來非一事
五枝楊柳自春風

蒲輪遠聘亦濃恩處士雖微實晉臣嘗愛紫陽書法當
不教輕染寄奴塵

莊宗橫吹圖

郭相西征奏凱還阿嬌歡寵鏡交鸞却嫌暖殿春風燠
玉管橫翻曉吹寒

霸業艱難百戰開侈心何苦溺優俳豈知兩部仙韶器
總是君王火堊材

繼周南樂見寄巖韻

長慶詞人興寄長當時元白聞軒昂江山正有潮陽筆

千古詩壇自一行

一作細嚼君詩興緒長孤吟空效鶴頭昂解教老媪能通曉留與香山作

鴈行

莫嗟朝鏡髮毛霜總道寒花晚節昌一級散官增正七
三升春酒醉公堂

茆亭秋月

水天上下月微茫冷浸茆亭夜色蒼我欲去尋幽隱客
一天風露靜琴張

括諸山水勢兩分

冀北諸山水兩分山西流注會龍門脊東衆壑歸幽野
號作桑乾入海奔

復作詩以贊之

職方引據說空繁到底終無一定言愛殺九峰真具眼
高空直下看中原

寄馬左丞子卿

士達察判行求先容不敢書謹以亂道二章聊代起

居之問且奉一粲云

治道元來有本根聚精多在鳳池春近因拈出中堂記
滿眼經綸半魯人

一別春坊歲五過向來心事總蹉跎遙憐紅藥堦前露
霑丐菲茨意最多

學圃亭

崔君隱德老譚經俯仰乾坤一草亭莫為處心親細事
正宜烹煮削蕪菁

桔槔上下任畦丁春韭秋蔬用不勝若向邵生親問訊
瓜田風味勝東陵

明農數事稱周宰抱甕澆畦說漢陰兩事若論為拙計
空拳搏虎更何心

庾郎三韭種來青鄭老秋瓜結已成食肉飯蔬元有分
不應空戀五侯鯖

鄭老謂瓜州刺史審也

東鄰近接香山里南浦今稱處士涯活計看來元不惡
自鋤明月種梅花

題紅葉扇頭

故宮秋色醉來鮮
浥露吟風雜暮蟬
折得不浮流水去
一枝留伴月中仙

深宮不禁水東流
賦就幽情孰與酬
紅露滿山秋正好
等閒休上建章樓

今年火盛若為攻
盼盼西風一掃空
忽見扇頭紅錦色
上陽秋意滿吳宮

雅歌一十二首

并序

雅歌者為丞相武公作也公經畧河南之二年有詔
士計行臺時權臣承制威震中外拭吻磨牙婪婪橫
噬凡可以中傷群辟者靡不畢至公以大忠致謹乃
心王室歛衆人之責為己責以天下之憂為己憂
于跋扈一身利害略不為恤也蓋欲俾朝廷上存
公恕下不失民心為重其大節有如此者竟能感格
帝心恩終簡在自非精忠貫日其孰能與于此哉所
謂臨大事處大變而后見其真將真相之度焉因追

作雅歌一十五章庶幾流播斯美使後人頌而歌之
顧望若神人然其辭曰

讀來黃卷有深功都見平時日用中朝下引車常慕藺
行間拔士每知蒙

陰闔陽開制總司諸人何與到傾危微臣有罪天王聖
不患朝廷遠不知

袞冕桓圭極品榮較來得失一毫輕空傳馬援囊珠謗
終見汾陽貫日誠

天蓄雷風未動威
栖栖遵渚歎鴻飛
見知正賴龍闕帝
笳鼓歸來有袞衣

萬馬瀟瀟入漢巴
行臺東下控中華
方思霖雨須賢相
豈特春風動虎牙

萋菲方成貝錦哀
睿思熒惑若為開
天教中令心如日
几几俄瞻赤舄來

品彙流形共化權
歲寒都到老松邊
欺殘太古陰崖雪
始信貞心老更堅

儀比鸞鳳重比山功高心小古為艱平生幹當江南事
事了聲名兩不關

羣飛鍛翮入罍羅棘上青蠅訝許多良玉儘禁三試火
周人坐構百升歌

亢則憑陵懦則摧秋霜中烈外低徊虎臣剩有回天力
更着闍兒與孽媒

拓境每憂王土窄息肩思與萬方休生平戀闕丹心在
風雨何傷一葉秋

身任安危五十年老臣懷抱若為宣始終止有汾陽夢
不到江湖范蠡船

長圍破蔡仁聲著積穀吞吳策畫深三十年來分閫地
智名功勇總無心

長憶中堂掌國初宛陪高步在亨衢百官禮絕真除日
門閣蕭然一事無

釣魚山下護龍旗番塚江邊奏凱歸一馬二僮東下日
路人拭目認征衣

丁亥歲門帖子

坐賈謀生計已癡
歸田無力理耕縻
一家風雪渾閒事
四海豐穰是素期

汴梁故宮寒食

人家賣酒繞宮池
爭插青旗曲作圍
簫鼓漸多寒食近
一樽先為典春衣

熙春閣

傑閣當年燕御頻
鼎烟未盡慘兵塵
土堦三尺茆茨底

人自熙熙物自春

倚竹圖

錦字挑香翠
易顰一枝脩竹立
湘裙定情正在冰霜操
不到琴臺日暮雲

粉香沾袖怯輕寒
都着幽情寄竹間
多是楚山湘水怨
不應空待賣珠還

己丑歲門帖子

大郎赴部應求叙
老子傳心要解經
二事儘能如所願

一家編簡有餘青

韓生寤寐春秋學陳氏薰酣寶訓文磨礪童孫能寸進
一家春滿看祥雲

題顯宗墨竹

撫軍闕思到湖文筆底秋筠見本根絕似承華檻欄看

露梢烟葉總龍孫

堯民圖

日出漁佃日夕歌蠶衣耕食樂天和細思歷象星辰外

帝力于人更有何

己丑五月十五日過王氏祠堂

兩軒梅竹足興哀親見春山手自栽前日問安人不見
翻翻風葉送愁來

兩世規模有遠圖轉頭遶樹影扶疎顧瞻阿大
信覺嵇公德未孤

巢父飲牛圖

濁泥常恐污吾牛特地驅來飲碧流縱使許由辭位去

汗顏終是對宸旒

耕田鑿井不知勞長恐逃名未得逃最喜帝堯平治事
一犁春雨滿江皋

徵庸禪讓兩無心驅飲時過碧澗潄若見後人牛傳事
入山惟恐不幽深

舜授堯傳兩不聞最憐牛力晚來新一鞭了却東臯事
潁水箕山分外春

若訝箕山易所操雖辭堯讓匪吾曹桐江江上垂綸客

一樣清風萬古高

清明後二日南庄拜掃回偶占

寒食人家節已過
秋千猶在院東坡
今年春日光風好
拜掃歸來笑語多

野叟爭求醉筆新
因書聊歇酒杯頻
勸農說有新冠蓋
要識君侯是老親

送葬挽歌

高墳崔嵬沒荒草
白楊風悲和鬼歎
人生到此是徹頭

一倒灰塵無醜好

祖筵纔徹哀號起
翠柳多儀殯蒿里
向來送者各還家
冥冥獨卧黃泉底

人世何短白髮多
駒隙光陰不奈何
才見春風吹草綠
又看遶樹葉辭柯

人命輕微如薤露
百年歡樂能幾度
森森鬼伯若來催
相將共入黃壚去

哭聲交慘簫笳咽
樹架爭嚴縞素餘
昨夜高堂猶暖熱

今宵荒野恨何如

相將執紼送華輶
母子恩深哭不休
報德不銷埋石痛
低空還有斷雲愁

方相擊凶魂攪馬
閭里親知滿中野
只知哀挽送行人
相看誰是長年者

細君推氏哀辭

神情減自女孥捐
病後支持又八年
最著老懷悲悼處
死猶知惜畫叉錢

性姿貞靜伯姬恭四十三年好夢空一闕夜臺無復見
悲聲留在白楊風

歛來三夜夢平生明說先姑已侍行喪稱有無能戚了
何須易治太經營

中堂北隩挂殘魂戀戀情思在子孫奉祀更當嚴在日
忍令哭臨限朝昏

水西原上有新塋三世親喪力助成一旦夢隨先妣去
有知當慰未忘情

纔過彌誕無旬月遽變辭容只兩朝寶曆暗留品菊細
黛螺空見遠山遙

營葺貧家鵲有巢百年心事憶同牢空餘深夜回溪月
獨見凌波采澗毛

六十難為夭折悲百年偕老是同期簞衣滿意遺薌在
空結纓襦九十儀

病倚中廬望大兒娟娟心目已難支朦朧帳影魂衣闇

腸斷燈前擁髻時

暗用道德悲
野田荒草事

去年扶病到新塋
歌管杯盤水曲亭
今日重來人不見
杏花零落柳條青

素棺已蓋鋪丹旒
舊物難窺瘞玉臺
冉冉縱隨仙馭去
珊珊猶憶夢中來

將持仲子庶同嫡
主葺貧家儉作豐
存歿較來無少憾
正緣余厄致終凶

恩榮頗浹魚軒貴
祿食同霑石窳田
忍死最憐相叩問
六旬之上有餘年

舒徐委脫澣餘衣能盡桃夭灼灼宜四十三年中饋地
儼然宗祖饗多儀

團團香火坐庭闈欲話平生氣已微生死慮來真大事
幾回含笑說先歸

逝水碧縈長寢地畫簾香暗送時車閒窓不待粧奩感
遺恨空存禱嶽書

百年同穴是同期一病彌留秋草萎垂老境中成死別
九泉相見話真知

絳錢灰冷過黃昏
閃閃寒缸閉閣門
只有此生來夢裏
幾回含泣認離魂

健婦治家勝丈夫
維君真與健同符
半生黽勉公家事
一米私門不累吾

勸余過飲省文思
切戒無多酒後辭
翁媪老來惟我爾
百年門戶要扶持

蘭枯蕙槁不禁風
一夕吹香入殯宮
把酒試澆橋下水
不容將恨到湘東

當餐愁對齊眉案
升屋空留復魄衣
誰遣兩行知已淚
浪浪併向老來揮

薦纈人去考堂空
內助功多想肅雍
說似老莊休鼓缶
固無形氣奈情鍾

壺漿朝奠愴蒿君
露濕衰衣半淚痕
每囑兒童莫歸早
水邊恐有未招魂

忘懷無似老莊盆
使作何知委路塵
詩到悼亡能自釋
情文相稱是安仁

襁殯新遷葬百泉久謀銘誄入瑤鐫君須少候無多恨
行見貞珉表墓前

長筵拜慶諸姬上隨宦名邦二紀間秋入池臺芳徑歇
春歸庭院落花間

行來古禮不多難含歛塋藏淚涕潛莫訝初終無佛事
此心求在有無間

衣衾棺槨無遺憾親戚悲哀有至情四十三年庚子月
西河原上葬先塋

李早蕃馬圖

群奔角壯任郊垌已入竿頭莫力爭
惜取蹄間三丈逸望雲秋計鐵山程

跋藍關圖

潮陽英氣凜中天愁絕南荒瘴海煙
不道生還陰有相自陳哀表亦堪憐

曉風吹雪下關頭點綴行人去國愁
展盡畫圖還自惜七閩南下即潮州

題趙克敬遺安亭

襄陽苦節說龐公
趙氏貽謀意與同
肯羨東隣驟榮貴
轉頭歌舞畫堂空

趙生卓爾見青衿
及長行身稱克欽
為問遺安安所止
一家鴻鵠徃高林

題張氏致樂堂

生前菽水儘餘歡
身後追思世所難
誰似考城張孝子
至今供具潔盤餐

刻楠丹楹燕寢新食前方丈處華裯一杯不及慈顏樂
負米終慚季路貧

壽萱亭

葵丘張氏孝無違終歲承顏着彩衣入戶優然親不見
一簾風月澹春輝

凱風吹棘棘心柔罔極恩深痛莫醺不羨潘輿花滿縣
一枝金鳳儘忘憂

潘店早發

一鞭行色甌閩道過處人多說險夷忠義此心能自信
風波前路不須疑

儀封

三代漸民道義深抱關疇匪大賢心披雲纔遂瞻依願
便解天教振鐸音

睢州道中

馳傳北經梁孝苑垂鞭東過宋襄城征人折盡隋堤柳
風捲枯蓬逐馬行

汴堤

近自汴州開夾道遠連淮甸卧長虹若論徃返行人便
道在勞民却有功

寧陵縣早發

殘釭斜照耿孤懷夜火吟餘氣頗諧睡暖不知霜力重
起看梧葉滿庭堦

蕭相國廟

海宇清澄入帝圖忍將牛渴飲泥污不思世教從中降

得約秦苛意儘都

聞畸人話芒碭山事

芒碭山遠鬱蒼蒼斷口雲連十里長兩段素蛇今化石
至今神異說高皇

望碭山縣有感

裴劉起義晉陽宮三百年來立國雄一旦剪除無雉類
厲階誰想在全忠

宿州道中

辟寒宿酒多難闕數堠前征覺易行前去維揚猶七百
黃雲衰草宿州城

樓子店道中

汴溝已是荒亡跡湖石重開禍亂基徽煬較來同一病
九泉相見不相嗤

敗門無策更開邊萬石移來起艮山天意固遺亡國恨
兩堤秋草卧孱顏

虹縣道中度長直溝

望入綏寧接楚雲
老婆山遠界溝隣
小河河上淮東地
萬頃黃蘆不見人

渡江

生平夢寐瓜州渡
此日風煙指顧間
却恨中流風浪惡
雄觀應欠上金山

潤州甘露寺近為火焚掃地

望空北顧無雙寺
行入西津第一州
江影隔山搖素練
行雲和夢鎖朱樓

桃源圖

劉君卿
索賦

淵明既號葛天民
流水桃花到處春
明見筆端閒寓興
武陵休苦殫漁人

東來連舸泛長湖
兩鬢冰霜儘瘁癯
偶值漁郎心已媿
更堪三復武陵圖

浙西到處武陵溪
稍涉幽深路便迷
始信避秦元寓說
淵明遺世更羈栖

虎丘寺

真娘誰為惜娉婷李白題詩在竹亭為洗鸕班金縷盃
細烹泉眼較中冷

姑蘇館夜雨

吳亡越霸兩蝸爭朔吹翻江恨未平一夜不眠思往事
姑蘇臺下雨連明

宿寒山寺

借榻僧窓夜氣清梅花香細燭花明鐘聲不取唐人例
一覺安眠徹五更

伏生授書圖

遺書灰冷散飛烟老喙重宣即粲然三策竟從名數說
潁川方寸殆虛傳

題醉隱墨竹

清溪映竹竹連雲冉冉晴梢醉墨新却為歲寒心事苦
暖烟濃淡要橫陳

露梢風葉喜晴春醉掃吟看卧竹根欲見此君生意盛
滿川烟雨半龍孫

西湖

一湖碧水山三面滿眼樓臺堰一條只為近年荒廢久
花無容色竹無慘

飛來峰

西湖廢撤無多景靈隱莊嚴有勝幽扶杖冷泉亭上看
日斜猶為此山留

靈隱寺

山緣松竹烟光潤寺倚峰巒地位雄凭檻忽驚靈鷲上

世間真有化人宮

旋開僧牖觀山罷閒逐遊人看寺迴買得兩錢乾菓子
步穿經洞引猿來

錢塘

噫流無壯浙江潮刀削銀塘硯碧牢三十里長無兩用
既防崖路障驚濤

錢塘西岸

市樓接望無三里嶺嶂迴環自一川曉日人家炊爨罷

竹籬香滿碧松烟

人家邸閣絡江皋十室看來四五逃閒向老人詢所以
近緣軍過苦相騷

富陽縣會江樓

山光簇簇無連嶂江水瀾瀾漲碧瀾何處風烟見真境
富陽樓上倚闌干

富陽道中

兩浙風烟入富春眼中形勝闌闌一樽不吸江山綠

笑煞桐廬把釣人

江山畫裏看清雄
魚稻鄉中樂歲豐
不是釣壇壇上客
未能忘此就三公

早過新城黃山鎮二首

水無絕壑山無麓
春麥收來秧稻穀
行穿松逕看烟巒
一段碧紗籠水玉

奧溪引作長畦浸
宿霧空濛破墨山
馬上新知行役倦
村村都在畫圖間

白峰嶺

儀曹苦厭為山囚霧幃烟幌看未休行過白峰三十里
桐廬江上重回頭

七里灘

桐廬江水綠于藍兩岸山攢碧玉簪前去釣臺猶數里
兩峰奇石見巉巉

共惜殘年得遠遷豈知天意却相憐筆頭少得江山助
便遣空迴亦愜然

嚴州道中

高盤山頂下深淵馬足長驅不易前
幽鳥背人飛去速一聲津鼓突江煙

叢叢吳岫煖烟生峽束江奔徹底清
斜日篙師催進棹三灘難上要雄撐

蘭溪縣女步道中

豫樟蔽日無黃落竹篠經霜更碧鮮
記取江南光景異煖烟晴日是冬天

三河道中

龍丘風土類中原兩勢山開百里川
白鷺水田摩詰畫
桃花溪洞武陵船

龍游道中

路入龍游不見山縱橫阡陌穀江邊
穿籬臘笋如槍矗
夾道寒花似火燃

龍游道中聞鴈

避寒來趁稻梁肥水遠山長結伴稀
已是江湖遠行客

金
五
日
人
卷三十
一雙猶是向南飛

西安道中

衛州
屬縣

西安荒惡路清寧水泛行山夜不停却為近來山寇發
大明猶未撤關扃

紫溪嶺

昔杜止軒告余云楊西庵俠黠談諧之雄者也世人
不知其然不肖何有竟負天下滑稽之名楊何深而
僕何淺也予謂分水與紫溪嶺亦然分水雖大平而

易登紫溪雖小峻而難陟今世人以大安至險可畏
為言而紫溪略無聞焉與杜顯晦初不殊也

紫溪梯嶺一層層況復鞭羸帶雨登頗笑此山藏行迹
世人曾不峻為稱

車盤嶺

時沾窮臘天多雨路轉巔崖險可驚辨着壯心時叱馭
兩程併作一程行

武夷山

朱文公書
院在焉

紫陽集裏已曾遊此日輕舟過山右
摳衣不獲拜遺祠
武夷一棹空回首

建陽道中

二更到縣

山溪流急遠聞聲月暗林深信馬行
衆宿歛芒南斗大
半天驚看六星橫

謝朱詠道山長來訪

名沂今為考亭山長

故縣經兵廢不存考亭依舊泰山尊
南來有幸猶親炙
得見先生四世孫

八仙驛

灘峻渦旋陡下危
柁師招處和聲齊
八仙驛畔山如畫
一棹清風下建溪

劍浦

湛湛雙溪劍浦秋
張華祠下更深幽
神兵不着奸臣去
真是蛟龍亦可羞

李延平道南書院

延平名
侗晦庵

延平劍躍蛟龍窟
黯澹灘危灩澦堆
二事聽來皆野語

道南書院重徘徊

高桐道中

梅花如雪小桃紅
夾道脩篁翠幄濛
折得一枝春在手
蠟香吹滿馬頭風

上水船

亂石叢堆積鐵然
湍流翻雪沸洄淵
半崖匍匐人如蟻
百丈驚看上水船

叔洋

鐵喻篙師紙喻船上灘難比下灘難傳呼緩棹蘭橈去
路入杈洋要細看

蒼峽道中

雨後
看雲

滿嶺閒看雨後雲空濛踈薄畫難真蒼山巧露閭
都著銖衣掛法身

蒼峽鎮雨夜

地連吳越已夷蠻蒼峽東南更二千鄉夢不成非野宿
雨聲還向客窓偏

摩天嶺

寒雲直上看高層峻極諸山莫與京
不作閩清具瞻物
摩天空擅最高名

秀才嶺

西登盤上卧羊坡東降平川谷口蘿
為問蒼巔高幾許
微行人指樹頭過

水口

山路捱來僕馬瘡方舟南下頗安徐
摧搖柔櫓嫌暝黑

行趁漁燈一點孤

小箬

冬陽暖透征衣燠
溪曲寬從水口開
夜半朔風吹月墮
臘寒還逐早潮來

湯池

湯泉為說盡唐虞
一脉溫從地氣生
滌淨世塵初不污
根源方信本來清

甘蔗洲

山明溪靜絕纖埃
望際川原四面開
忽訝兩涯風浪湧
舟人云是海潮來

雨中江行望甘蔗洲

方舟搖颺櫓聲齊
細雨蓬窓看岸移
望入蔗洲何眇靄
霧江平抹白烟癡

懷安縣

縣依溪曲兩岡

閩

翠竹晴沙轉雪灘
前去郡城饒候牙

官儀都是夢中看

總題

無窮山轉青龍峽不盡溪蟠碧玉漚西自鎮江南抵福
三千里路畧相同

儀門任氏詩

并序

燕雲風土佳碩故其俗純厚多以孝友稱御史蘭君
寶臣屢談于余吾鄉有任著飛卿者樂讀書其家風
義尤為昭著至三世同爨鄉鄰化而慕之願得一言
發越其微因賦二詩于以見蒸蒸所自且勉夫錫類

不匱之心焉

燕雲任氏世同居和氣薰然樂有餘春在紫荆庭樹底
綠陰初不見扶疎

一門高義冠鄉鄰累葉相承棣萼春不學張公書忍訓
友于元是孝心純

秋澗集卷三十

欽定四庫全書薈要卷一萬六千一百八十七

集部

秋澗集卷三十一

元 王惲 撰

七言絕句

謝太傅安

勝負曾中料已明又從堂上出奇兵
怡然一笑文楸裏未擬東山是矯情

豫讓邀襄子圖

智氏頭顱到溺旋趙襄謹避墮空然若圖伯也非常報

金
卷三十一
合有嘉謀在死前

一言感激命為輕
九死酬恩不為名
千古晉陽橋下水
不應嗚咽恨無成

酬溫仲敬以櫻筍見遺

四月人間櫻筍熟
喜將二物持相遺
故家風味依然好
獨有溫郎是素知

春睡起偶書西墅東軒壁

留連春色花陰蝶
斷送林歌雨柳鶯
更愛靜中消遣處

春愁滴破聽槽聲

題嘉山段宜之讀書堂圖

山水雖佳以士名誦聲曾動草堂靈至今松桂林中夢
不識無禾養百齡

墨梅偶賦

梅華天質本紅黃玉潔冰清徹骨香近為世間貪墨客
硬隨時世作新粧

望鼓山泉流

鼓嶺青林欲盡頭半崖渾作白煙浮應知昨夜山中雨
石上寒泉散漫流

荔枝樓

在按察司

潭潭大府號澄清一道網維控八城舊說憲僚憐夜宴
荔枝樓上月三更

題米元暉楚江清曉圖

元暉筆力儘清雄兩岸青山似越中六鑿近年攘欲盡
蒼烟無復曉冥濛

江邊墟落靜荒烟林隴依然井臼全若比石壕更瀟灑
入山多避過都錢

禽語自感

鷓鴣行呼行不得杜鵑切祝不如歸長憐二鳥知幾早
苦戀明時日自戰

小樓晚眺

遠客逢秋苦憶家小樓登眺日初斜忽驚海上風來迅
吹亂鄰牆一架花

白沙

歸舟漾漾度林菲兩岸芙蓉間木犀最是遊踪堪記處
一篙秋水白沙西

天涯久客得還家喜動秋風八月槎絕似武陵回棹處
後山都被亂雲遮

岸宿閩清縣門

清江一曲抱城根此夜孤舟宿縣門已是客心幽迫處
更堪踈雨濕黃昏

小茗

水師橫棹卧江頭三日風蓬喜順流縱使不携西子去
烟鬟都是苧蘿秋

醅劉憲使仲修嚴韻

舟次建寧書史孔元敬自浙東改任福唐得憲使仲
修詩因繼高韻為答孔氏中卿係襲封元措行也

從來海徼全閩地閱盡烟江疊嶂山越橐不憂無重致
班超今喜得生還

安嶺北遮千里目全閩東掩萬重山江花江草爭含笑
一事無成謾往還

夢筆山

異稟中來氣自豪先生藻思湧秋濤斯文本逐年衰壯
取與何嘗有彩毫

題北苑亭柱

羈懷牢落獨登臺幾被時人笑不材只有青山最憐客
翠幘如畫四圍開

贈相者雪庭東谷二絕

道人宛有雪山清
顧我眉毫近九齡
最喜一生心事好
又看黃色起天庭

雪裡踈梅儘耐寒
功名都在晚年看
煩君與卜趨裝日
早晚孤舟發建安

全氏小樓與南山相對殆几案間物也暇日觴
予其上索賦鄙作因口占二絕句

閭閻撲地不容閒
疊起重棚翠靄間
樓下市聲喧午枕

藥爐頭上看青山

東籬遙見喜悠然，況在風烟咫尺間。
滿勸銀盃留客醉，夕陽佳處鳥飛還。

南山秋色兩爭高，終日相看不得招。
一炷龍涎滿樽酒，安排詩思苦相撩。

過朱家府

并序

至元二十七年冬，孟過朱家府，謁太師遺祠，瞻拜禮像，懷德不已，敬留四詩付林彬二孫，庶幾見鑽仰之。

意云晚進小子汲郡王惲斂衽百拜書

世仰遺祠愛及鳥不緣喬木綠陰餘題為通德猶膚淺
云是文奎所次墟

瀟洛尋源到聖功八方吹偃舞雩風一椽得近東家住
瓢飲肱眠樂在中

金聲遺響已千年聖道重光自子傳不為武夷山水窟
拏舟還艤杏壇邊

神而能化自人存毳冕凝旒以道尊德澤未應移五世

青山長見讀書孫

張家灘在建陽縣南五里

張家灘下石縱橫舟楫經過與水爭行路險巇皆一例
溪聲何苦不平鳴

武夷溪口謝諸生來迓

諸生濟濟半深衣鞭馬來迎候武夷把酒向前爭致語
精神全在去年時

望武夷諸山

武夷山水儘清奇石作龜麟玉作溪望入神清虧一到
壁間空擬老歐題

崇安道中

十月山間不覺秋青林依舊鎖深幽西風老却黃雲稻
野水溝溝澗澗流

贈石堂和尚

梅花樹下石堂僧楚語咻咻碧眼稜盛說補陀神力大
碧丹療疾百能徵

道人來自武夷山袖有千金起廢丹專意濟人無所取
一年強半在崇安

過大安嶺

愛山不厭入冥搜薄霧空濛為少留意似范寬誇老筆
亂峰明處露巒頭

大安形勢鬱崢嶸閩海東蟠未了青往返兩回烟雨暗
不容詩筆寫真形

前有羣狐後有豺老懷淒斷嶺猿哀此行可卜新年順

無是無非下嶺來

萬里生還豈偶然一聲長嘯下蒼巔
關頭若要留詩去記我今冬下嶺年

下嶺人言出厄年一杯蒲袂瘴江烟
紫溪嶺下重回首已勝班生到酒泉

過稼軒先生墓

在鉛山州南十五里陽原山中二十七年閏自福唐作

青銅三百了時文大節知公在致君
朝野不應傳樂語六宮春動鬱金裙

相秦審勢不明理坐使炎興失遠圖力主備邊信大義
先生真是孔明徒

遺編三復美芹辭睿眷曾蒙孝廣知黃壤不埋忠義氣
至今煙草見蟠螭

老徽北狩七陵空奉命南來見匪躬誰遣廟謀空坐老
一椽精舍帶潮東

招提遺像見英材喬木秋風過客哀通歷縱令追削盡
疊山文是漢雲臺

次鉛山示州尹杜君

西連兩廣天荒處東接三山水盡頭喜見寬平風土美
鉛山今合作中州

余去冬過此今歲復由此北歸觀其田里城居比之
前日精彩數倍詢之蓋侯杜新政之所致也喜為留
詩而去

題寒碧井

在鉛山州
東五里

寒泉湛碧石為甃鯨口長噴色更藍六月行人方困渴

一杯冰雪蜜同甘

沙溪道中

馬知驛近趨行迅詩為山竒捉句難行過沙溪都忘却
際空原野喜平寬

喜得臺報

弓刀霜冷五更初破睡無方有疾驅不為殘年誇老健
暫教粧點早行圖

欲進行難愧素飡當機坐視更何安從今漸覺身心適

秋水鳴蛙不屬官

下山風袖任披披
來路回看翠微貪
戀紫溪山路峻
不知寒霧濕征衣

玉溪登舟

捨鞍乘木玉溪烟
坐聽吳歌踏兩舡
東抵餘杭西自信
一千里路月明舡

食柑

黃柑香熟夜來霜
比似休官味更長
道出三衢冬十月

石塘林圃記初嘗

夜發嚴州

亭亭白塔過嚴州漫漫清江不盡流慚愧釣臺臺上月
分光也照遠迴舟

桐江待發

柁師說侶小兒童一覺平明意莫忽待發桐廬遲是速
舟隨潮退疾如風

夜過七里灘

都俞無幾已還山自笑蹒跚老一官為恐石壇松鶴笑
夜深舟過子陵灘

錢塘道中

長路人家不斷頭富陽東下接杭州如今不似勾吳日
猶自歌聲沸酒樓

余自閩中北還舟行過常秀間卧聽櫂歌殊有
愜余心者每一句發端以聲和之者三扣其
辭語敷淺而鄙俚曾不若和聲之驪亮也因

變而作十二闋且道其傳送艱苦之狀亦劉
連州竹枝之意云

露華冷浥蒼山碧江水平鋪素練光半夜棹歌相應起
發揮無用詫鳴榔

今秋湖灤兩相通差遣雖頻力易攻度險却防連夜發
汭流還怕打頭風

兩浙人稠不易安少罹凶歉即流遷今年苦惱蘇常地
易子營生不計錢

睡思朦朧苦未休
棹歌催發五更頭
兩盃悶飯無鹽菜
雨雨風風一葉舟

朝來回棹喜空船
坐唱吳歌踏兩舷
淘米塢頭風浪起
最防吹入太湖烟

中產攢來六七家
終年執役在浮槎
今年水渰田苗盡
少米爭前乞使華

水色山光不易吟
却教款乃發幽深
春陵不作吳兒事
道是雲山韶濩音

出江灘石苦經過音節聽來噪未和不侶吳濃音韻美
遺聲全是竹枝歌

夢驚蓬底卧秋江一句纔終和者霎任使再歌聽未已
不知寒日上舡窓

幹當江南有許多往還冠蓋侶攬梭因茲力役無朝暮
款乃翻成懊惱歌

路長江闊霧烟埋盡日長征帶夜開記得往年從宦日
被差冠蓋有時來

迢迢江上亂峰青路轉山回遠作程來使共稱星火急
不容停待晚潮生

水仙萱草二詠

并序

余行次赤

闕

兩浙憲司屬吏侯仲卿拏舟自杭追余

四十餘里及之拱立水次致紫山之意仍索賦水仙
萱草詩詢渠別有何故曰無有余笑曰澹癖好名有
如是者遂書二絕以付時至元二十七年冬十月二
十二日也

片帆歸自海東頭何限烟江疊嶂愁展放畫圖還一笑
世間名品果忘憂

綠萱不得獨忘憂江草江離總帶愁若使花神真解事
一枝金鳳也垂頭

雪作肌膚翠作裙凌波微步襪生塵筆端欲見錢郎意
重為陳王賦洛神

望歌風臺

西風殘照舊山河故國遺臺憶獨過四百威靈歸寂寞

斷碑猶記大風歌

漢家豐沛有周邵四百炎輝自此開舉目不瞻龍虎氣
寒鷗翻日上荒臺

奉春一說即西行百二江山敬帝京不似楚人無遠畧
錦衣東帝詫韓生

石勒問道圖

位號真來變故多溥天無地不干戈養成豺豕蕭牆禍
更向伊蒲問甚麼

題范亞父增墓

在徐州城南臺頭寺下大塚

劍舞鴻門失此機
重瞳成敗可前知
猜嫌只待捐金後
決意東歸去已遲

單父琴臺

武侯治蜀毋輕赦
宓子彈琴不下堂
風俗變移難復古
後人為政貴論量

讀佛圖澄傳

慧眼前窺事有徵
最慈祥是我淫刑阿
師更欲矜神異

塔上風鈴要細聽

雪漲千山圖

六合雲同雪自寬
千山都變玉孱顏
限量不似年來雨

多處淋漓儉處慳

二月二十一日河南
雪三尺河北全無

喜周宰來居

友道年來棄若泥
白頭傾蓋似新知
短轅塵尾關渠甚
誚殺當年蔡克兒

筋力覺衰傍酒困
生涯從澹願詩工
尚憐繆悞今何幸

長在周郎顧盼中

吾友西歸喜可知
殘年心事得追隨
朝來僦舍清談久
憶得西齋共被時

諸子當年甫冠婚
執經同在鹿庵門
相逢正有謀生急
裂月撐霆不要論

巖風夜發雪初霏
踏雪携壺扣夜扉
長記孔門多樂事
共披風袖詠而歸

泉水思歸有故交
共山無地可誅茅
羨他僦舍同來燕

終日啣泥補舊巢

周兄所至號能官即幹而清事更難昨日借車還故里
囊空留得一錢看

一別淇南又十春此回相見更情親河山不隔黃墟斷
屈指同遊有幾人

翻雲覆雨到澆漓長愛吾周重所持四十五年同一日
物情心事兩相知

人生七十一衰翁比老能閒樂事融着手不遮西去日

閉門同卧北窓風

山陽高興在雲林痛飲狂歌總賞音
四十五年雖轉首
白頭同賦故山吟

柱頭化鶴千年事松下懷人一聚塵
撥置老懷休悵惋
且來同醉酒壚春

纔沾公祿能餬口縱得居官奈老何
暫借麴生供日事
何嫌酤釀近林婆

過郝教授子貞故居三首

雲際曾瞻處士星竹間無復草堂靈
喚回三十年前夢
壓酒槽邊寫六經

一言拋却羽人冠
長喜先生不遠還
故隱只今誰作主
詩瓢空挂百門山

平生詩卷幾牛腰
身後遺文便寂寥
事業文章元有分
自餘辛苦枉相撩

回河

常年動磴踰三月
孟夏中旬見稻芽
今歲使君先玉食

清明分水與農家

題胡笳十八拍圖

漢世婦人傳家業善文辭者前曰班氏後稱文姬琰
不幸遭亂失身發憤知耻至發而為詞章者而已如
是在東漢文章清而不俚者也其音調淒楚緣琴翻
聲律協笳拍而于音學曲盡窈眇可謂不墮中郎之
業矣今觀是圖其情義相牽不克自制之懷猶可想
見于當時也此辭即唐劉商所作以七言較之益無

疑矣因題五詩于後騷人擬之之意云

畫却春山理素琴翠簾香鎖落花深豈知中有胡笳恨
吹折關山一寸心

胡笳翻曲太含情不道倉皇義重生舊怨未平新恨疊
雁聲纔罷又邊聲

乾翻坤覆困蛇龍女子柔衷鮮克終全著靡他論蔡琰
不知何地置揚雄

憔悴風沙十二年得歸情義轉相牽董郎庭戶雖依舊

已是蘭摧白露前

才慧其如薄命何猶能知恥見悲歌寥寥誰

闕

後

得續離騷幸儘多

跋徽宗畫兔

格物心存養聖功老徽游藝眩青紅四靈瑞世渠何有
也在君王物色中

牧牛圖

垂紉徐行信自如一揮鞭策見齊驅近來不似圖中況

旱塊敲蹄百草枯

青青春草滿郊原
放飽歸時不用牽
何侶人牛俱不見
碧天明月靜娟娟

綠楊堤岸曉風清
碧草陂塘暮雨晴
村落近年乾旱損
却將圖畫看昇平

兩童相顧意何為
猶恐渠飢趁草歸
一道牧民無所事
虔心當在趁家肥

飽耕飢放事年年
放去收來任自然
莫訝兩童無所識

至今牛背是堯天

跋徽宗畫馬圖

為愛瑤池噴玉龍
麝烟移入畫圖中
宣和殿上揚休處
忘却熙河汗馬功

問雨

六月五日
雨三寸

前日西村雨有餘
東村曾不少霑濡
望中雲氣西南重
為問村東果有無

從來暑雨多隔轍
且喜一縣蘇焦枯
敲蹄旱塊如盆火

為問秋田勾得無

近日甘霖徧四周豐隆都在郡城

闕

火無光澹

闕

跋武陵圖

淵明高興託冥鴻流水桃花事本空
好笑武陵狂太守
謾回烟棹月明中

題數學鄭斗南詩卷

洛圖河數發天機萬彙中來理莫違
却有一言煩說作

貴人何廣福人稀

數學規模自易齋不煩衰薄究予懷朝家謀斷須房杜
早晚相携上泰階

巢父飲牛圖

巢由真隱本同儔細論吾巢節更優老特渴來何所擇
徑須牽避是非流

靈照度丹霞圖

衆生種業到無該愛海沉迷喚不迴對證處方唯一捨

不應真假比如來

西江萬有已沉沙更有何心到散花狼侶入門三十棒
欺將一語了丹霞

性定情移逐物開力能剛制見英才金沙灘畔風流骨
恐是逢場作戲來

克己先論定力優後從屋漏驗清修禪家多少閒拈弄
糞掃堆頭覓悟頭

和彥正憲使寄周宰詩韻且酬前日見贈之什

紛紛黨議到無如常愛林宗智有餘金谷聚交潘在數
一生空枉賦閒居

自憐處事太遲回幾被傍人笑懦哉勘破南華山木喻
支離甘作散樗材

山陽水竹接雲莊真是閒人避世鄉殺馬毀車渠莫訝
風波平地更羊腸

殺馬毀車東漢馬良事

故舊追歡不厭頻甚時王翰作比隣相看此老都能幾
猶作離群索處人

時與心違真倒顛且將書史度殘年
樂天仁厚知幾遠
好箇香山獨徃篇

佳人倚竹圖

失路青雲恨未深更看空谷日幽沉
天寒翠袖相依處
却是琴中對竹心

和幹臣詩韻六首

清江百折萬重山倦翩翩不易還
有客又來詢動靜
不知馮道已癡頑

一雨蕉黃荔子丹去年今日宴東山
山僧勸酒賓僚唱醉裏肩舁月下還

樓閣三山景象鮮萬家簾映荔枝妍
紅雲酒美香粳滑只枉風烟是海邊

泉石鷗盟尚可尋老懷其奈世緣深
將詩細嚼要予和有酒深藏待子斟

吾儕從事思行道尺未容伸已枉尋
不若將心隨所好物情明見古猶今

人生兩足無不到去歲天涯今故山古語在家貧亦好
更憐吾子適東還

復用苦齋韻作五詩以自警

剽竊詞章笑自如何曾經肯醉三餘早凡自處有如此
誰復如軻以聖居

終日如愚莫哂回克先復後並生哉從初一着高空上
即是盆成死矣才

學須一念主端莊漸次通融理義鄉況是四端生已具

幾曾由外貯肝腸

濂洛諸儒問答頻道雖未富亦其隣異時酬酢無窮變
不比禪林面壁人

刺口高談慢聖顛人心能淑變堯年孔門多少齋心學
見用還存問政篇

四月二十六日西溪睡起

城居喧隘一蛙坑乍到郊墟眼倍明濃睡覺來村塢靜
綠楊深處栗留聲

灌園

倚鋤看水立斜陽
閒愛春風菜圃香
自笑老饕須肉飽
却思竒客出蔬腸

馬嘆

足輕行穩不揚塵
種性來從野馬群
昨日綠楊亭下路
郡人爭羨五花文

市來一馬性馴良
竹耳雙批禿尾蒼
笑殺養生王武子
便教銅馬塋人腸

擊壤

軒軒旱塊大于盆
朴擊都教細作塵
便覺

闕

靜

少陽原隰看昀昀

老子過關圖

韓虬
筆

論道休將坐井觀
逢時為用見真筌
漢家注措纔糟粕
嘉靖寰區近百年

柱下潛輝跡已賒
青牛苦要渡流沙
料應紫氣浮關後
夢繞春風巨勝花

贈武昌相士秋雲

美君兩眼明如鏡萬事都歸一盼中
自笑本無食肉相虛名空似豹林种

扣門有客號秋雲偶弄微言最近真
過眼無窮軒蓋士急流中退果何人

品彙雖殊智欲周江南江北去悠悠
多應未遇商品叟點破長空萬里秋

跋漆園田氏手澤

金源取士自科文臺閣公卿半鳳麟後進且休輕些議
試從田氏看潛珍

跋顧虎頭所畫謝安東山像

幽處當年繫重輕枉將浮議論蒼生異時兩袖東山雨
待與君王洗甲兵

跋香林先生顛草

涪翁醉草甘露帖勢與江山爭長雄幾世幾年爭復得
香林筆底有遺風

題玉明村老黃店壁

西山下疊玉稜層踏雪當年過關陵破帽不知風力緊
夜窻歸趣讀書燈

荒荒野店日東西路入蘇林草樹低記得鹿庵傳授日
饅瓜亭上識西溪

今年上廟客紛紛賸具黃梁與酒樽白髮故人渾不見
青衫多是子和孫

曲山靈樞夜來過腸斷春風薤露歌同輩眼中多顯達

一生心事最蹉跎

危嶺南蟠縮尾尻伍城東望俯坑壕
蹇驢馱過玉明店
陡覺四山百倍高

古槐盤石綠陰垂下馬行人倦午駝
每過黃翁閒話舊
停驂長到日西時

中陽川迥屬新中店舍初開暎棘叢
四十九年纔一瞬
黃郎今日老黃翁

筠林同業憶當初幾醉黃翁舊酒壚
鄰笛聲中何限恨

不堪零落曉星孤


五丑今獨予在當時同門者十
三四人止有李士觀傅士開

秋日即事

風軒兀坐髮鬢涼
入簷花露氣凝詞
客感秋驚歲暮
半生虛負讀書燈



秋澗集卷三十一



總校官進士臣胡崇

校對官學正臣卜惟吉

謄錄監生臣許蔭培